

絳縣志卷十三

奉政大夫同知銜賞戴花翎山西絳州絳縣知縣加五級紀錄十次成都胡 延讓

壇廟志第五

隋書經籍志地理家有廟記一卷其書久佚大要非祀典也寺觀準以圖經宜列古蹟不當與祀典混 國家懷柔百神州縣長吏以春秋恪共祀事祭期歲頒自部會典通禮諸書明著詳備茲將載在祀典者著於編其餘寺觀祠墓與古蹟並載至於上丁釋菜與祈報不同詳見學校志馬端臨通考例也

社稷壇在縣西門外壇之制方二丈五尺崇二尺一寸階三等周以垣四門位北鄉瘞石於南以表位不至側二尺五寸東

絳縣志

卷十三

壇廟門

一

西取中社右稷左石長二尺五寸方尺其瘞之也惟石之頂見於土上主以木長二尺四寸廣六寸丹之青字書某州縣社之神稷亦如之座厚五寸廣九寸有半祭用春秋二仲月之上戊制帛二黑色鉶一簠一盞一豆邊各四羊一豕一

祭法

歷山氏之有天下也其子曰農能殖百穀夏之衰也周棄繼之故祀以為稷孔子曰古之平治水土及播殖百穀者衆矣惟句龍兼於社而棄為稷神易代奉之無敢益者明不可與等云左傳蔡墨云稷田正也有烈氏之子曰柱為稷自夏以上祀之周棄亦為稷自商以來祀之賈逵鄭康成皆云烈山炎帝之號杜預注烈山氏神農世諸侯帝王世紀神農本起烈山然則初封烈山後為天子猶帝堯初為唐侯然也魯語其子曰柱祭法曰其子曰農者劉炫云蓋柱是名其官曰農猶呼周棄為稷禮疏湯既勝夏廢柱而以稷代之 漢郊祀志或言曰周興而邑立后稷之祠至今血食天下於是高祖制詔御史其令天下立靈星祠 漢元始中太師光大司徒宮羲和歆等八十一人議漢興禮儀稍定已有官社未立官

稷遂於官社後立官稷以夏禹配食官社后稷配食官稷種穀樹師古曰穀樹楮樹也其子類稷故於稷種後漢禮儀志郡縣置社稷太守令長傳祠牲用羊豕惟州所治有社無稷以其使官古者師行有載社主不載稷也宋志以春秋二仲及臘月祭太社太稷為大祀其州縣祭社稷為小祀春秋二祭刺史縣令初獻上佐縣丞亞獻州博士縣簿尉終獻牲用少牢元豐中令州縣社主用石元祐中又下祭服制度於州縣

右大祀

先農壇在縣東門外雍正五年知縣李祖望建壇制高二尺一

寸廣二丈五尺主以木長二尺四寸廣六寸座高五寸廣九

寸五分丹之金字祭用仲春亥日或以季春制帛二籩豆各

四簋簋各二劔一羊一豕一祭畢行耕藉禮衛宏漢儀春始東耕於籍田引

詩先農即神農也賀循藉田儀漢耕日以太牢祭先農於田所薛綜二京賦注田二國之原地月令郡國守相皆

絳縣志

卷十三

壇廟門

二

勸民始耕如儀諸行出入皆鳴鐘皆作樂其有災青有他故若請雨止雨皆不鳴鐘不作樂後漢縣邑常以乙未日記先農於乙地魏秦靜議風伯雨師靈星先農社稷為國六神唐韋叔夏張齊賢等奏經無先農禮自為立社曰王社先儒以為在藉田也永徽中猶曰藉田垂拱後乃為先農然則先農與社一神今先農請改曰帝社壇以合古王社之義其祭准合以孟春吉亥祀后土以句龍氏配於是為帝社壇又立帝稷壇於西如太社太稷而壇不設方色以異於太社開元十九年停帝稷而祀神農氏於壇上以後稷配宋雍熙中用大祀制景德四年以制太常禮院孫奭言改用上辛後亥日

神祇壇在縣城南祀雲雨風雷山川城隍之神並以春秋仲月

上戊日致祭又孟夏後諏吉雩祭遇旱亦雩於壇位三中雲

雨風雷之神左山川之神右城隍之神制帛七色白其餘如

社稷壇周禮大宗伯以樞燎祀風師雨師漢志雍有二十八宿風伯雨師四海之屬百有餘廟師古曰風伯飛

廉也兩師屏翳也一日屏號而說者乃謂風伯箕星也兩師畢星也此志既言二十八宿又有風伯雨師則知非箕畢也後漢縣邑常以丙戌日記風伯於戌地以己丑日記雨師於丑地用羊豕唐制諸郡置風伯壇於社稷東雨師壇於西各稍北數十步祀用羊一邊豆各八簠簋各二宋咸平二年早詔有司祀雷師雨師大中祥符初詔惟邊地要劇者通制致祭餘皆長吏親享熙甯中有司請兆風師於西郊祀以立春後丑日兆雨師於北郊祀以立夏後申日仍依熙甯舊儀以雷師從雨師之位又請用栢柴升煙以敬神又請用樂制樂章以爲降神之節

關聖大帝廟在縣治西街明萬曆二十年知縣黃維翰增修崇

禎八年知縣黃從德重修國朝乾隆十八年知縣汪援甲

修建三代祠三十一年知縣拉昌阿重修道光三年縣民重

修咸豐三年毀於粵匪六年知縣廖莖元重修光緒二十五

年知縣章同重脩一在城外西北明萬曆中知縣黃維翰建

絳縣志

卷十三

壇廟門

三

一在縣東三十里鄭柴鎮一在城東門外乾隆十九年建道

光同治年間相繼增修歲以春秋仲月致祭又五月十三日

特祭祭時並祭三代

關帝事蹟盡人而知崇祀始末新通志纂爲世譜茲不詳述三代名諱不見史

傳譜稱或夢帝告之掘得碑石足書三代諱字事近虛誕昔人已疑之矣

文昌帝君廟在縣治東門外野虎溝乾隆五十五年知縣宋如

林建一在縣治東門外天池北乾隆十九年建道光二年修

一在縣東南二十里華山一在縣東北南樊鎮乾隆四十五

年建歲以春秋仲月致祭又二月初三日特祭同日並祭後

殿三代儀同關帝

史記天官書斗魁戴筐六星一上將二次將三貴相四司命五司中六司祿爲天之

六府掌人間祿籍故學校多祀之倪岳正祀典疏云神姓張諱惡子其先越雋人西晉丁未二月三日生蚤得異人大洞

訣疑真於蜀之梓潼山九曲溪上因報母仇徙居劍州之七
曲山仕晉戰歿立廟祀之唐明皇幸蜀追封左丞僖宗入蜀
封濟順王宋咸平中改封英顯王宋志立冬後亥日記司中
司命司人司祿元加號輔元開元文昌司祿宏仁帝君
右中祀

龍神廟在縣治南街乾隆三十四年知縣王瑞霖自縣治東南

移建道光二十七年知縣潘名魁重修一在縣南十五里湫

池山一在縣東十五里華池山一在縣東三里帶溪順治十

六年知縣趙士宏重修道光同治年間相繼重修一在縣北

二十里沸泉側每歲春秋祭

城隍廟在縣治南街明洪武四年知縣林實建萬曆七年知縣

郝世相等重修 國朝康熙二十二年知縣彭標乾隆三年

絳縣志

卷十三

壇廟門

知縣蘇大禮十八年知縣汪援甲相繼重修咸豐年間毀於

粵匪六年知縣周雲翥重修光緒二十五年知縣章同重脩

春秋合祭於神祇壇又獨祀於厲壇

明洪武初封天下城隍之神府曰威靈公州曰

靈佑侯縣曰顯佑伯二十三年改正祀典

厲壇在縣治正北歲三月寒食節七月望日十月朔日祭迎城

隍神位於上以主之列境內人鬼之無所歸者於左右

猛將軍廟在南門外雍正三年知縣李祖望建每歲春秋祭

按軍姓劉名承忠元時人雍正二年始立祠相傳神能驅除蝗

姜嫄廟在縣南三十里煙莊存雲嶺旁有墓

說詳古蹟志

金泰和中

進士王藻石刻云昔有伐木得斷碑於土中者字多漫漶而

香火特盛元至正七年縣尉郭道遠重修明天順八年修春

秋有司致祭祭銀地丁內支又柳莊有行祠元人重修姜嫄

汾郭道遠來謁曰縣之煙莊舊有姜嫄廟世代遼遠肇建不

知金泰和中進士王藻石刻載嘗有伐木得斷碑於土中者

文字漫滅已不可考而居民香火歲時特盛祈禱輒應歷年

既久風雨凌碎祠宇頽廢里人黃英倡為一新夥黠者鮮傾

歆者端缺裂者完改觀於疇昔矣願有文以記歲月予曰若

姜嫄后稷之功德澤山川廟貌之形勝前碑紀之詳矣奚復贅

辭然考諸書之說姑舉姜嫄生后稷之異非帝嚳之妃乃絳

人所祀而記之謂姜嫄出野見巨人跡踐之心忻忻身動如

孕及期而生棄生民詩有曰履帝武敏歆朱傳謂姜嫄出祀

郊禘見大人跡而履其拇指遂欣欣然如有人道之感先儒

或疑其巨跡之說何也張子曰天地之始人固自有化而生者

子謂上古藐矣且以論之禹之母曰修己見流星貫昴夢接

墜其卵吞之而生蘇氏謂麒麟之生異於犬羊蛟龍之生異

於魚鱉神人之生異於常人何足怪哉大戴禮曰帝嚳四妃

元妃有郃氏曰姜嫄生后稷次曰有娥氏曰簡狄生契又陳

絳縣志

卷十三

壇廟門

五

絳氏曰慶都生堯四妃姬訾氏曰常儀生摯史記亦云姜嫄
帝嚳之元妃也或曰帝嚳聖夫姜嫄正妃配合人之常也詩
曰厥初生民時維姜嫄又曰赫赫姜嫄其德不回何故歎其
母而不美其父歟鄭氏謂當堯之時姜嫄為高辛氏之世妃
乃帝嚳後世子孫之妃也若謂帝嚳之妃堯稷契皆賢兄弟
也堯在位七十載而不能用稷契必待舜為臣而舉之何耶
然則非帝嚳之妃明矣朱傳亦云姜嫄有郃氏女名嫄高辛
氏之世妃是也詩又曰即有郃家室朱傳亦謂堯以后稷有
功封於有郃即其母家而居之以主姜嫄之祀故周人亦世
祀焉郃在京兆武功縣去絳千有餘里其起廟祀於此豈非
因后稷之功追念姜嫄氏之德久而不忘者歟廟旁有古塚
故老相傳為姜嫄墓亦無可考歷觀後世凡配帝者莫敢不
母未聞高辛氏之妃后稷之母干載而下猶以姓名稱之歷
代而不更者可謂缺典且堯之二女為舜妃屈原謂娥皇湘
君女英湘夫人茲碑為姜嫄聖母者尊周之心事神之義大
矣韓愈氏曰祀而遍天下者惟社稷與孔子焉社稷句龍棄
乃配享之姜嫄為母棄為子安有子享天下之祀而母為之
過歟况后稷公劉皆以農事開國文武成康積德累功紹周
家八百年之基業皆本始於姜嫄氏歟嗚呼絳人祀之未若
天下之通祀也茲又望有明禮者著之盛典是為記 郭匡

姜嫄行祠創建饗殿碑記余倦於宦間與客歷遊晉野山川都會古刹名院茂不遍及抵柳莊煙火三百餘家偉哉巨族也莊之西首宏敞壯麗者爲姜嫄祠古矣績造饗殿雕楹刻桷登砌黝聖靡弗備具肇癸酉竣乙亥歷三載告成焉客乃悄然而悲曰嘻甚矣崇祠之勞人也漢文營臺計費中人產弗果斯舉也男輸出自南畝女施來自機杼勞民傷財其不見廢於梁公也幾希余曰否否詩有之粒我蒸民詠后稷厥初生民頌姜嫄食民天也稷食天也厥母姜嫄天天之源崇祀維殷施報本也孔子關帝啟聖有祠胥此志也釋之宮道之觀鳥足語斯客曰稷名棄姜嫄弗子巨跡之說先儒頗疑予曰何其曰天生神聖悉有異徵堯之生感赤龍契之生吞鳥卵白虹貫月乃生湯蒼龍據腹產漢文神靈誕育歷歷皆然何獨於稷而疑之然則立廟斯土也何居曰山行十餘里嶺曰存雲姜嫄墓在焉有司時以祭鏤木爲象土人昇而祀之遍及絳原斯祠行宮也春以祈秋以報胥在是焉饗殿之作豈糜費乎如是子盍銘銘曰涑之涓條之麓厥位面陽厥土燥剛厥材孔良聖恩湛汪庇茲庶氓降福穰穰客斂容退因以斯語刊之石

晉文公廟在縣下村有墓見古蹟志春秋致祭祭銀地丁內支

絳縣志

卷十三

壇廟門

六

名宦祠在學宮泮池東祀漢周勃魏賈逵金梁肅元劉履謙明

劉智蘇昱包得仁崔儒秀陳能王一麟李光遠史章毛纘蔡

綦張居彥張瑤 國朝崔珩十七人春秋致祭

鄉賢祠在學宮泮池西祀周輿人絳人唐敬暉宋張觀元孔錦

山尉遲德誠王仲素韓亨甫明石堅撤君賜康四維任維清

王彬郭永固郭帝都陳讓 國朝陳所抱郭自修陳所優十

九人春秋致祭輿人絳人周勃賈逵敬暉說見職官表鄉賢傳中既列祀典有舉莫廢凡有功德者隨地

皆可祀也惟表志不得辨

忠義孝弟祠在學宮泮池西鄉賢祠前雍正五年知縣李祖望

奉

勅建祀 國朝尉懷遠馬機劉化育孫尙書張養心王錫陳佐
周七人春秋致祭

節孝祠在學宮西北雍正五年知縣李祖望奉

勅建祀歷代節婦乾隆三十四年知縣李繼嶠咸豐六年知縣
廖堃元同治四年知縣陳懷璋相繼重修春秋致祭

右羣祀

以上皆列在祀典者其
不在祀典者著於后

八蜡廟在縣南門外雍正三年知縣李祖望咸豐七年知縣周
雲翥相繼修舊列於祀典乾隆十一年奉

旨停止

魁星樓在學宮前城東南隅順治十六年知縣趙士宏建康熙

絳縣志

卷十三

壇廟門

七

五十一年知縣盧絳乾隆十三年知縣舒起二十三年教諭

梁廷霖相繼修 按學宮之側祀魁星不獨絳縣也天下皆

然試院之前門鄉城之吉秀率樓閣而像祀之求售文者必

尸祝焉觀其像則魁服狷獮拳一足立手操筆若斗上曳七

星蓋肖魁字爲之也或謂爲唐進士鍾馗或曰本奎星後訛

爲魁其說不一皆不足致詰按魁星乃南北二斗也說文訓

魁爲羹斗趙襄子使人以銅斗進熱炙而戕代王卽魁也是

魁乃器名春秋運斗樞北斗第二至第四爲魁此就其形言

之也器具魁杓魁因有首義書渠魁禮不爲魁皆言首也張

守節注史記又稱魁斗第一星南斗與北斗位相值星象同

惟杓少一星其第二星亦稱天魁要其似羹斗者南北並可稱魁也其祀典三代不見經文按周禮祀司中司命司祿及風師雨師並以繫民生專特祭斗建昏旦均五行於授時尤關重知必不與列星合布幽宗通攷云秦始皇時雍有南北二斗廟以歲時奉祀漢宣帝立南斗祠於長安城旁史記載武帝祠秦一其壇下有北斗是秦漢重祀斗矣魏晉後唯通典言隋令太史署常以二月八日於署廷中以太牢兼祀北斗二十八宿唐以後無聞者要其祀南北斗本以北斗運中央制四方南斗爲孛武經星復尊並北斗故重祀之非若今之以主文也今祀爲主文者因魁榜魁天下之名謂其中必

絳縣志

卷十三

壇廟門

八

有主宰也爰呼爲魁禱祈之後卽因魁字圖像之而不知卽爲古南斗北斗之祭亦猶祀文昌者不知爲古天子爲羣姓

諸侯爲國所立之司命

文昌司命古天子爲諸侯所立亦天星也今所祀文昌張惡子也張在唐

時有專廟在蜀不與文昌混世傳神仕晉戰歿又爲母報仇是忠孝正直爲神者唐宋以來頗著靈異後世尊爲文昌蓋以文昌二字爲徽稱或謂爲梓潼山神是天神地祇人鬼合而爲一其實以人而爲神因徽稱有文昌二字遂以司祿尊之耳神之祀典最鉅然此義不可不知祀城隍者不知爲古八蜡之水庸耳

城隍

卽八蜡之水庸亦地祇也自有紀信爲城隍神之說遂混地祇人鬼爲一今世直以爲泰山府君攝人魂魄之類又道家言有太陰神司禍福人卽以城隍當之若謂知縣治民城隍治鬼鮮有知爲水庸者矣

至魁主文章則

亦有說按文耀鉤云斗者天之喉舌易春秋六經聖人代天而言世之爲文者苟不悖乎六經是亦取出乎天之喉舌者

而言之也則於祀北斗也宜若南斗據史記正義云六星主薦賢良授爵祿是正今之主文衡者也其祀之也亦宜

皋陶廟在縣西十五里岡底村祀唐皋陶

羊舌大夫廟在縣東十五里范村祀周羊舌赤胖

介推廟一在縣東北二十里郇王莊一在縣西十里西喬村祀介之推

絳侯廟在縣西十五里勃村祀漢周勃

崔府君廟在縣東關道光七年建

汪公祠在東關康熙元年建祀知縣汪自潤

坤柔祠在縣西五里吳壁村唐貞觀三十年建元至正四年修

絳縣志

卷十三

壇廟門

九

真武廟在縣治西北明萬曆二十一年知縣黃維翰建

三官廟在縣治西南乾隆五十六年嘉慶二十五年光緒二年

相繼修一在縣西二十里崔村明天啟三年知縣牛耀台修

馬王廟在縣治南一在縣西南十五里冷口峪康熙年間知縣

盧絳建

財神廟在縣西門外乾隆二十七年知縣拉昌阿建同治六年

知縣陳懷璋移東嶽廟內

東嶽廟在縣西門外

三神廟在南門外嘉靖三十九年知縣徐富建

天齊廟在縣東二十里鄭柴吉峪南柳北柳各村

玉皇廟在縣東六十里歪頭山

聖母廟在縣東北五十里續魯峪明萬厯間知縣黃維翰建

國朝順治十二年知縣賀雲舉修

天神廟在縣東北二十里南柳莊

老君廟在縣城南二里坡

賀雲舉老君廟除糧碑記邑前俯涼水臨水者為坡名凡九而柴家居

一焉正直治南頗稱聚落鼎革之二年於縣崖中忽得老子像一尊不知所自來也先是採樵者足染奇疾夢一老人曰為吾闢路當令若痊詰朝徙倚榛莽見漸流奔鬻間微有寶可俯攜鍾疏治即潰壞若撥其中穹然而猶龍睥穆之容儼然未蝕居岷因相與神異擇高阜而禋祀之俄而瞻仰輻輳祈者遂禱者甯數年之間無叩不應蓋不止一採樵者之喜勿藥也首事之人見輪金盆集遂謀增恢廟貌癸巳之歲余來理篆務適見神宇宏敞祀事精虔有舊尹楊同寅諱鴻謨者介余而言其故并盛稱老子之靈余因喟然曰凡物興廢之數豈不有時哉昔老子隱現於衰周迹其行事與其著述

絳縣志

卷十三

壇廟門

十

蓋抱道君子非若元宗所號為神怪者也至於遭時不偶西涉流沙其即吾師乘桴浮海之意乎特其命懷曠邈棲神簡約視沮溺丈人輩為高出頭地耳自李唐有元元之封而其廟號始顯意者道書不經多出於彼時之傅會夫道高十世者十世祀之道高百世者百世祀之老子之精思奧詣不出吾儒而尤為吾師之所愉服則其列像清廟尸祝惟謹蓋不為過若謂神實有靈果能使祈者遂禱者甯則吾未聞紫氣出關二千年來能尸其報應使人握券而取也且造物之禍福亦時效時不效也而見其大若做做焉曰以得喪之故與辨香尺楮相酬酢不幾賈豎販鬻之智作布帛菽粟之市也矧肇祀此土不知幾十年矣煙火歇絕土豚崩駢又不知幾年茲適遇主者為之光復匪惟復之且大闢焉然則神果有知胡不使昔之祀者不中廢今之祀而加盛者不即為昔祀之一盛而不容加者耶余故曰興廢之數殆有時焉不可強也老子可以時祀祀亦可以時廢廢亦可以時興而人之祈禱則亦時值其應焉耳廟自門廡暨前後殿廊共計十楹計基可十九畝有零廟祝苦不能瞻余則查有餘地者俾首糧以抵之蓋城郭墳墓宮室皆不起科此邑例也余不敢以禍福之說欺愚民而新廟之役適遇光緒二十五年知縣除糧亦其時使然也因命筆而為之記

章同重脩

泰山廟在縣南十里留孟莊

以上各廟或祀晉中古賢或道家者流所奉之神皆不在祀典無由深攷舊志載之姑附於此

絳縣志

卷十三

壇廟門

十一